

BORGARRÁÐ 1.6.'17: Tillaga borgarráðsfulltrúa Sjálfstæðisflokksins um að undirbúningur verði hafinn strax að viðbyggingu við Melaskóla - R17060018

Lagt er til að undirbúningur verði nú þegar hafinn að viðbyggingu við Melaskóla. Mun fleiri nemendur eru nú í skólanum en hann rúmar með góðu móti og hefur það margvíslegan vanda í för með sér: aðgengi fyrir fatlaða er óviðunandi, mötuneyti skólans stenst ekki kröfur, salernisaðstaða nemenda og starfsfólks er úrelt og óásættanleg, sérkennsluðstöðu er ábótavant, aðstöðuskortur háir sérgreinakennslu og starfsaðstaða kennara er af mjög skorum skammti. Miðað við fyrirbyggjandi spár um fjölda nemenda er ljóst að húsnæðisþörf Melaskóla verður ekki leyst til framtíðar án viðbyggingar.



Borgarráð

Tillaga borgarráðsfulltrúa Sjálfstæðisflokksins um að undirbúningur verði hafinn strax að viðbyggingu við Melaskóla - Tilvísun í mál R17060018.

Á fundi borgarráðs 1. júní sl. var lögð fram svohljóðandi tillaga borgarráðsfulltrúa Sjálfstæðisflokksins - R17060018:

"Lagt er til að undirbúningur verði nú þegar hafinn að viðbyggingu við Melaskóla. Mun fleiri nemendur eru nú í skólanum en hann rúmar með góðu móti og hefur það margvíslegan vanda í för með sér: aðgengi fyrir fatlaða er óviðunandi, mötuneyti skólans stenst ekki kröfur, salernisaðstaða nemenda og starfsfólks er úrelt og óásættanleg, sérkennsluaðstöðu er ábótavant, aðstöðuskortur háir sérgreinakennslu og starfsaðstaða kennara er af mjög skornum skammti. Miðað við fyrirliggjandi spár um fjölda nemenda er ljóst að húsnæðisþörf Melaskóla verður ekki leyst til framtíðar án viðbyggingar."

Svar:

Hafin er undirbúningsvinna við gerð forsagnar vegna þarfagreiningar Melaskóla og hafa verið haldnir nokkrir fundir vegna húsnæðisþarfar skólans. Í undirbúningshópnum eru Rúnar Gunnarsson og Dagný Helgadóttir frá USK, Daníel Benediktsson frá SFS, Guðrún Kaldal og Styrmir Reynisson frá Tjörninni frístundamiðastöð, starfandi skólastjóri Helga Jóna Pálmadóttir, starfandi aðstoðarskólastjóri Sveinn B. Tómasson, fulltrúi kennara Björg Melsted og Silja Traustadóttir fulltrúi foreldra. Á þessum fundum er farið yfir húsnæðisþörfina og þörf á breytingum á eldra húsnæði skólans, þar á meðal aðgengismál, snyrtingar, sérgreinastofur, starfsaðstöðu o.fl. Þessi vinna er á lokastigi og er reiknað með að henni ljúki fyrir haustið.

Ámundi Brynjólfsson
skrifstofustjóri framkvæmda og viðhalds



Minnisblað

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Varðandi aðbúnað nemenda Melaskóla

Á 113. fundi skóla- og frístundaráðs þann 8. febrúar 2017 var samþykkt svohljóðandi tillaga skóla- og frístundaráðsfulltrúa Bjartrar framtíðar, Samfylkingarinnar og Vinstri grænna og áheyrnarfulltrúa Pírata:

Skóla- og frístundaráð felur sviðsstjóra að greina og móta tillögur um hvernig megi bæta aðbúnað nemenda Melaskóla þar á meðal með breyttri nýtingu húsnæðis og aðstöðu og breyttu fyrirkomulagi á inntöku nýrra nemenda. Við tillögugerðina verði haft samráð við umhverfis- og skipulagssvið (USK), skrifstofu eigna- og atvinnuþróunar (SEA), skólastjóra og skólaráð Melaskóla. Tillögunum verði skilað eigi síðar en 15. mars 2017.

Sviðsstjóri skóla- og frístundasviðs sendi umhverfis- og skipulagssviðið erindi þann 13. desember 2016 þar sem vakin var athygli á aðstæðum í Melaskóla. Þann 21. desember 2016 var fyrsta vettvangsferð fulltrúa skóla- og frístundasviðs, umhverfis- og skipulagssviðs og fulltrúa Melaskóla þar sem farið var yfir mögulegar breytingar á húsnæðinu.

Í byrjun janúar sl. voru breytt hverfamörk grunnskóla í Vesturbæ kynnt. Breyting á skólahverfi Melaskóla mun ekki leysa vanda skólans miðað við núverandi húsakost og að auki væntanlega skapa vanda í húsnæði Grandaskóla. Búið er að herða verulega reglur um skráningu nemenda í skólann sem búa utan skólahverfis og er í dag öllum slíkum umsóknum hafnað þar sem ekki er hægt að verða við þeim sökum stöðu húsnæðismála.

Frá janúar til maí 2017 hefur verið unnið að því að móta tillögur til lausnar bráðavanda annars vegar og jafnframt unnið að framtíðarlausn. Eftirfarandi atriði hafa m.a. verið til umfjöllunar:

Aðstaða frístundaheimilisins verði nýtt fyrir skólann og frístundaheimilinu fundinn annar samanstaður. Þessari hugmynd var hafnað því svo mörg börn eru í frístundaheimilinu og afar mikilvægt að samnýting og samstarf skólans haldist.

Bæta við fleiri færanlegum kennslustofum á skólalóðina. Fallið var frá þessari hugmynd því það myndi þrengja of mikið að nemendum.

Nýta íþróttahús skólans sem mótuneyti og matsal og færa allt íþróttastarf yfir í íþróttahús Hagaskóla. Fallið var frá þessari hugmynd þar sem að það hefði haft þær afleiðingar að ekki

hefði verið hægt að sinna lögboðinni íþróttakennslu Hagaskólanemenda í íþróttahúsinu. Auk þess hefði mikilvægt athafnarými frístundaheimilisins glatast.

Nýta Vesturgarð sem kennsluhúsnæði fyrir einn árgang eða frístundaheimili. Fallið var frá þeirri hugmynd þar sem það hefði kostað miklar breytingar á húsinu og mikilvæg tengsl nemenda og starfsfólks við skólann glatast. Ekki þótti heldur ganga upp að færa frístundaheimilið þar sem að þá hefði ekki orðið að samnýtingu á húsnæði og skólalóð Melaskóla.

Nýta skátaheimili Ægisbúa í íþróttahúsi Hagaskóla sem kennsluhúsnæði fyrir einn árgang eða frístund. Fallið var frá þeirri hugmynd þar sem að það hefði kostað miklar endurbætur á húsinu og mikilvæg tengsl nemenda og starfsfólks við skólann glatast. Ekki þótti heldur ganga upp að færa frístundaheimilið þar sem að þá hefði minnkað samnýting á húsnæði og skólalóð Melaskóla.

Niðurstaðan varðandi bráðavanda er sú að fara í tiltekna endurbætur og viðhald á núverandi húsnæði og er það gert að beiðni skólans. Stjórnendur vilja ekki skipta upp nemenda- og starfsmannahópnum og eru frekar tilbúnir að búa við þröngan kost gegn því að farið verði í tiltekna aðgerðir.

Niðurstaða varðandi framtíðarskipan er sú að stækka viðbyggingu og fara í nauðsynlegar endurbætur á eldra húsnæði skólans með aðgengi fyrir alla. Um leið verður gert ráð fyrir frístundaheimili í húsnæði skólans. Um leið var frestað endurhönnun og endurbótum skólalóðar þar til að hönnun viðbótarhúsnæðis væri lokið.

Hefur sviðið sett fram þessa tillögu í fjárfestingaráætlun borgarinnar.